



Broj: 11/05-38-32016/17
Sarajevo, 31.10.2017. godine

Na osnovu člana 154. Zakona o visokom obrazovanju („Službene novine Kantona Sarajevo“, broj: 33/17) i člana 7. Odluke Vlade Kantona Sarajevo o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu („Službene novine Kantona Sarajevo“, broj: 27/13 i 42/17), Ministarstvo za obrazovanje, nauku i mlade Kantona Sarajevo raspisuje

KONKURS ZA IZBOR I IMENOVANJE ČETIRI ČLANA UPRAVNOG ODBORA UNIVERZITETA U SARAJEVU - PREDSTAVNIKA OSNIVAČA

Četiri člana Upravnog odbora Univerziteta u Sarajevu, od kojih je jedan obavezno predsjednik Upravnog odbora, imenuje Vlada Kantona Sarajevo nakon provedene konkursne procedure.

Opšti uslovi

Za predsjednika/člana Upravnog odbora Univerziteta u Sarajevu kojeg imenuje Vlada Kantona Sarajevo može se nominovati/imenovati kandidat koji ispunjava sljedeće opšte uslove:

- a) da je državljanin Bosne i Hercegovine;
- b) da je stariji od 18 godina;
- c) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja konkursa;
- d) da se na tog kandidata ne odnosi član IX. 1. Ustava Bosne i Hercegovine;
- e) da nije osuđivan za krivično djelo ili za privredni prestup;
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj 70/08).

Posebni uslovi

Pored navedenih opštih uslova, kandidat koji se nominuje/imenuje za poziciju predsjednika/člana Upravnog odbora kojeg imenuje Vlada Kantona Sarajevo, treba da ispunjava i sljedeće posebne uslove:

- a) kandidat koji se imenuje za predsjednika Upravnog odbora treba da posjeduje zvanje doktora nauka;
- b) kandidat koji se imenuje za člana Upravnog odbora treba da posjeduje najmanje univerzitetsku diplomu, VII stepen stručne spreme za kandidate koji su visoku stručnu spremu stekli po predbolonjskom sistemu studija odnosno diplomu drugog ciklusa studija za kandidate koji su visoku stručnu spremu stekli po bolonjskom sistemu studija i najmanje pet (5) godina radnog staža u struci nakon sticanja visoke stručne spreme;
- c) da nema privatni interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata za članstvo u Upravnom odboru koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine;



- d) da nije u radnom odnosu na Univerzitetu u Sarajevu odnosno na organizacionoj jedinici ili pridruženoj članici Univerziteta u Sarajevu ili da se ne nalazi u situaciji ili odnosu koji predstavlja sukob interesa;
- e) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
- f) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu.

Nadležnost i mandat Upravnog odbora

Nadležnost Upravnog odbora Univerziteta u Sarajevu utvrđena je Zakonom o visokom obrazovanju. Mandat predsjednika/člana Upravnog odbora Univerziteta u Sarajevu traje četiri (4) godine.

Prijava

Prijava na konkurs se vrši putem prijavnog obrasca (Obrazac 17-UO) koji se može preuzeti na protokolu Kantona Sarajevo (Reisa Džemaludina Čauševića br. 1) ili sa internet stranice Ministarstva za obrazovanje, nauku i mlade Kantona Sarajevo (www.mon.ks.gov.ba).

U prijavi na konkurs (Obrazac 17-UO) kandidati su obavezni naznačiti da li se prijavljuju za poziciju predsjednika ili člana Upravnog odbora. Ukoliko se u podnesenoj prijavi precizno ne naznači za koju poziciju kandidat aplicira ista će se smatrati neurednom i neće biti uzeta u razmatranje.

U razmatranje će se uzeti samo aplikacija koja bude podnesena na propisanom prijavnom obrascu (Obrazac 17-UO).

Uz prijavni obrazac (Obrazac 17-UO) kandidati su obavezni dostaviti:

1. biografiju;
2. univerzitetsku diplomu;
3. uvjerenje o državljanstvu;
4. rodni list;
5. potvrdu/uvjerenje o radnom stažu u struci;
6. potpisanu i ovjerenu izjavu od strane nadležne općinske službe kojom kandidat potvrđuje:
 - a) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja konkursa;
 - b) da se na tog kandidata ne odnosi član IX. 1. Ustava Bosne i Hercegovine;
 - c) da nije osuđivan za krivično djelo ili za privredni prestup;
 - d) da nije izabran zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj 70/08);
 - e) da nema privatni interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata za članstvo u Upravnom odboru koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine;
 - f) da nije u radnom odnosu na Univerzitetu u Sarajevu odnosno na organizacionoj jedinici ili pridruženoj članici Univerziteta ili da se ne nalazi u situaciji ili odnosu koji predstavlja sukob interesa;
 - g) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;



web: <http://www.mon.ks.gov.ba>

e-mail: mon@mon.ks.gov.ba

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



h) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu.

Sve dokumente tražene konkursom potrebno je dostaviti u originalu ili ovjerenoj kopiji.

Konkurs se objavljuje u jednom dnevnom listu, „Službenim novinama Federacije BiH“ i internet stranici Ministarstva, a ostaje otvoren petnaest (15) dana od dana posljednjeg javnog objavljivanja.

Prijave sa potrebnom dokumentacijom dostavljaju se preporučeno poštom ili lično na adresu:

Ministrastvo za obrazovanje, nauku i mlade Kantona Sarajevo

Ul. Reisa Džemaludina Čauševića br. 1 , 71000 Sarajevo

sa naznakom:

„Prijava na konkurs za izbor i imenovanje četiri člana Upravnog odbora Univerziteta u Sarajevu – predstavnika Osnivača“

Ne otvaraj, otvara Komisija.

Nepotpune, neblagovremene i neuredne prijave neće biti uzete u razmatranje.

MINISTAR

Prof. dr. Elvir Kazazović



web: <http://www.mon.ks.gov.ba>

e-mail: mon@mon.ks.gov.ba

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

